

المهمة المستحيلة | #محاضرة | د. حازم شومان

حازم شومان

السلام عليكم ورحمة الله وبركاته. الحمد لله حمدا كثيرا طيبا مباركا فيه. غير مكفي ولا مكفور ولا مودع ولا مستغن عنه ربنا اللهم اطعمت وسقيت واغنيت واغنيت وهديت واجتبيت فلك الحمد على ما اعطيت. اللهم لك الحمد كله ولك الملك كله - [00:00:01](#) بيدك الخير كله واليك يرجع الامر كله. اللهم صل على عبدك ونبيك محمد صلى الله عليه وسلم. عدد خلقك ورضا نفسك وزنة عرشك ومداد كلماتك. اما بعد اخواني واحبابي في الله ما شاء الله مسجد جميل - [00:00:24](#) يعني وصلاة عشا جميلة اللهم بارك يعني اخوة افاضل حلوين اللهم بارك. ربنا يحفزكم ويبارك فيكم يا رب وينفع بكم شكلكم كده فيه ناس جاية من اماكن بعيدة يعني. زينا كده بالزبط يعني قربنا يوفقكم وربنا يتقبل منكم. وربنا يسدكم يا رب واحنا خلاصان -

[00:00:39](#)

برضه فاحنا ايه احنا في ختام اليوم بقى يعني آآ يعني ربنا يرزقنا كده بالكلمات الطيبة بازن الله سبحانه وتعالى وينفعنا آآ بما علمنا ويعلمنا ما ينفعنا انه ولي ذلك والقادر عليه. آآ احنا في شهر رجب اخواني في الله شهر رجب آآ شهر - [00:00:59](#) له اعتبار خاص لانه من الاشهر الحرم. الاشهر الحرم آآ اجماع العلماء على استحباب الزيادة من النوافل فيها. سواء رجب او محرم او كده يعني. آآ وجمهور الفقهاء على استحباب الاكثار من الصيام فيها. ها الا الحنابلة الحنابلة قالوا افطر ولو يوم - [00:01:19](#) يعني صوم في الاشهر الحرم بس تفطر ولو يوم. يعني آآ استحباب الاكثار من فنحن في موسم عبادة. في موسم طاعة والعلماء ذكروا هذا جمهور استند الى قول النبي صلى الله عليه وسلم - [00:01:39](#)

وهو يتكلم عن شهر شعبان ويقول ذلك شهر بين رجب ورمضان. ذلك شهر بين رجب وشهر رمضان. يغفل عنه الناس فقالوا يبقى النبي يقول ان شعبان ده موسم عبادة والناس مش واخدة بالها. منه. زي ما الناس زي ما رجب ورمضان موسم عبادة بس الناس واخدة بالها - [00:01:53](#)

منهم فاستند جمهور الفقهاء من المالكية والاحناف والشافعية وبعض الحنابلة الى ان رجب موسم عبادة من هذا الحديث من هذا الحديث ازن الوضع المعنى واضح يعني. اه واه يعني وتكلم المفسرون والفقهاء اه زي الامام الشافعي وابن كثير. كثير جدا جدا -

[00:02:13](#)

في ان شهر رجب هو والاشهر الحرم بتغلظ فيها عقوبة المعصية. بتضاعف فيها عقوبة المعصية. يعني الصغيرة برة رجب ممكن ما تبقاش صغيرة في رجب. فانت خد بالك ان مقاييس المحاسبة على المعصية في الاشهر الحرم ومنها رجب بتتغير. بيتغير مقاييس المحاسبة على المعصية. يعني هم يقولوا ان احتمال - [00:02:33](#)

فيه موجة للكورونا جديدة في شهر اربعة. نسأل الله العافية. نسأل الله ان ينجينا. نسأل الله ان يعافينا. نسأل الله اليقين والعافية. اللهم انا نسألك العافية نام العافية ودوام العافية والشكر على العافية. فهو تخيل بقى انت هتعمل ايه؟ اه اجيب ماسكات. اخذ بالي اعمل تباعد اجتماعي. ما ادخلش اماكن انت لازم - [00:02:53](#)

خد بالك لان مقاييس الامان اختلفت. كذلك في رجب مقاييس حساب الله على المعصية اختلفت يعني ما عايش المعصية بيتحاسب عليها قبل كده. هو مش المعصية ما تبقاش بعشرة. يعني الحسنة بعشرة المعصية بمعصية. عمرها ما بتبقى بعشرة ولا بتبقى بخمسة.

[00:03:13](#) - امال

بيحصل ايه؟ ان قدر المعصية بيزيد. زي ما قلت لك الصغيرة ما عادتش بتبقى صغيرة. المعصية بيبقى لها قدر ثاني في المحاسبة.

فده شغل. توبة الى الله اه الاشهر الحرم دول زي ما الله سبحانه وتعالى قال عنها - [00:03:30](#)

اه ان عدة الشهور عند الله اثنا عشر شهرا في كتاب الله يوم خلق السماوات والارض منها اربعة حرم. يعني نظام الاشهر الحرم ده

النزام ده من يوم ما ربنا خلق الكون. يعني الاشهر الحرم دي حاجة سنة ربنا خالق الدنيا عليها - [00:03:45](#)

الارض دي يقول لك بقى لها اربعة مليون سنة ربنا بيجهزها ويبعدها انت متخيل يعني ايه آآ منها يوم خلق السموات والارض منها اربعة حرم ذلك الدين القيم من غير الاشهر الحرم انت دينك مش قيم. من غير ما تعزم الاشهر الحرم وتعظم كلمة حرام فيها. وتجدد

التوبة فيها انت دينك مش - [00:04:05](#)

طيب مش هيقوم لك قومة الامة لن تقوم بدون تعظيم الاشهر الحرم. معنى جبار لدرجة ان بعض كبار المفسرين زي ابن عاشور يقول

ان الاشهر الحرم بناء على هذه الكلمة - [00:04:25](#)

من اصول اقامة دين الامة. ليه؟ لان ده موسم اربع شهور في السنة زي ما ربنا جعل فيه مواسم. من اجل مضاعفة سواب الطاعة زي رمضان وعشر زي الحجة. فالامة بتتدرب على العمل الصالح. ربنا جعل فيه مواسم يضاعف فيها قدر المعصية. اللي هي - [00:04:38](#) الاشهر الحرم عشان الامة تتدرب على التوبة. وتتدرب على تعظيم الحرام. وتتدرب على ان الزنب اللي انت بتعمله تحاول تتوب منه. او تجدد التوبة منه او من الاستغفار ذلك الدين القيم. مش هتقوم لك امة من غير الاشهر الحرم. مش هتقوم لك امة لو ما عظمتش

رجب ومحرم وذو القعدة وذو الحجة مش هتقوم لك - [00:04:58](#)

ذلك الدين القيم فلا تظلموا فيهن انفسكم. انت عارف لما ربنا يقول لك مسلا ايه؟ اياك ان تزني في رجب. فواحد يقول لك طب ما هو الزنا حرام يا رب في كل الشهور. يبقى تعرف ان هنا الزنب عقوبته مغلظة. من هنا بقى استدل العلماء والفقهاء ان الزنوب بتغلظ

وبتضاعف - [00:05:18](#)

عقوبتها في الاشهر الحرم. لان ما الظلم اللي هو المعاصي عموما حرام في كل الاوقات يا رب. اשמعنى فيهن بقى؟ اשמعنى يبقى هنا الموضوع اخطر من اي وقت ثاني في السنة. آآ آآ عايزين نفوق يا جماعة. يبقى اذا الاشهر الحرم دي وشهر رجب دي مواسم يقظة.

يعني ايه مواسم يقظة؟ آآ - [00:05:38](#)

آآ ابن القيم لما شرح آآ مدارج السالكين بتاعة ابو اسماعيل الهروي رحمهم الله. فشرحها في كتاب اسمه ايه مدارج السالكين في منازل اياك نعبد واياك نستعين. المقام الاول اتكلم عن مية مقام ايماني. الطريق لربنا قسمهم عشر محطات وكل محطة - [00:05:58](#)

عشر مقامات. المقام الاول في المحطة الاولى. اول مقام اتكلم عنه. حد عارف هو ايه اليقظة ما شاء الله اليقظة. فقال لك ليه اليقظة؟ قال لها طب ما كان ممكن في الاول يقول حاجات تانية كثير. قال لك يا طاهر. عاملة زي واحد عنده امتحان والقطر - [00:06:17](#)

اللي هيوصله لمكان الامتحان باقي عليه عشر دقائق وهو نايم. اول مرحلة انه يلحق الامتحان ايه انه يصحى اليقظة فابن القيم قال اليقظة ثلاث آآ آآ مقامات او ثلاث معاني. لاحظوا القلب الى الجناية. يعني انك انت تبقى - [00:06:34](#)

مراقب زنوبك. انك انت تعمل ورقة الزنوب وتكتب زنوبك وتبدأ تبص فيها كل فترة كده تفهم انت بتعمل ايه. ما تبقاش صحيفة السواب الطوابق بتاعتك مش قدام عينيك. عشان ما تتغرش في نفسك وتتغر في طاعتك. وتتغر في عملك. وعشان ما تتصدمش

لحظة تطاير الصحف يوم القيامة. اما تلاقي صاحبها - [00:06:53](#)

مليانة زنوب وانت ما كنتش واخذ بالك. ما عملتش حسابك. وعشان صحيفتك لما ترفع في شعبان الى الله كل سنة في العرض السنوي. ما تبقاش مصيبة ان صحيفتك طالعة ومليانة بلاوي. تبقى انت واخذ بالك من زنوبك عشان تكثر من التوبة. بالزات في الفترة

اللي قبل رفع الاعمال. خدت بالك؟ ابن القيم قال المعنى الثاني ايه؟ ايه الحاجات - [00:07:13](#)

الثلاث حاجات اللي بيخلوك تصحى من الاخر. ايه الثلاث منبهات اللي لما بيرنوا في قلبك بتصحى؟ قال لك اول منبه لحزة القلب الى الجناية. انك انقل بتوع المخدرات المخدرات نسأل الله العافية. لما بيدخلوا مراكز علاج الادمان مراكز علاج الادمان اللي هي بيقيعدوا

فيها ست شهور يعني اعتقد ان كثير منا احتكاك - [00:07:33](#)

ايه بها بشكل او باخر؟ اول ما بيدخل المركز فطبعا واحد بيشرب مخدرات وبيقعد قعدات وبيروح شقق يشرب فيها مخدرات مع

مدمنين وفجأة لقي نفسه في مكان ومحبوس ومقفول فبيبقى مش طايق نفسه وعايذ يهرب باي طريقة. فهم عايذينه يمشي برغبته يكمل المدة برغبته. اول - [00:07:53](#)

حاجة بيخلوه يعملها اول ما بيدخل ايه ؟ حد عارف ؟ حد ادمن قبل كده ودخل حد عارف ورقة الخساير ورقة الخساير. يقولوا له اكتب قلنا ورقة بقي اكتب لنا انت خسرت ايه بسبب الادمان - [00:08:13](#)

اه ده انا اضطريت في وقت من الاوقات ان انا اسرق اللابتوب بتاع صاحبي عشان اجيب جرعة. ده انا مراتي سابت لي البيت وخلص ورفع علي قضية خلع اصلا. ورفضت ان هي تكمل معي بعد - [00:08:28](#)

اهلي وانا بست رجليها وخلص قالت اكمل مع واحد محطم وواحد منتهي اعمل معه ايه؟ وخسرت حياتي الاجتماعية. ده انا ولادي انا خايف ان ولادي يطلعوا بكرة يطوقوا عربيات لان هيعيشوا مشردين. وانا خايف ان انا اهلي يصيبهم العار يا ابو المدمن ويا ام المدمن وانا انا انا الناس - [00:08:38](#)

كارهاني ومش طايقاني. انا اصحابي اللي ماتوا وهم بيشرربوا مخدرات. ماتوا في شقق لوحدهم. وما حدش سأل عنهم لان اهلهم نفسهم يموتوا اصلا. وما عرفوش انهم ماتوا في المكان اللي ماتوا فيه غير لما جستته متعفتت بعد اسبوعين والجيران شموا الريحه اتكسروا والباب دخلوا لقوا صاحبي ده ميت معفن وصاحبي ده لما مات وهو بيشررب - [00:08:58](#)

مع اصحابه رموه في الشقة ولا رموه من العربية بدل ما يودوه مستشفى الطوارئ وجربوا ده انا ده انا فلست ده انا مشيت شحات ده انا كبد ضرب وقلبي ضرب - [00:09:18](#)

ممكن اموت بسكتة قلبية في اي لحظة. ده انا نهاية الطريق اللي انا فيه ده حاجة من ثلاثة يا هتسجن يا هتجنن يا ها ينتحر انا انا خلاص انا جالي اكتئاب رهيبة انا كان كنت في الاول في شهر غسل مع المخدرات بتعمل لي دماغ. الوقت عادت الجرعة ما بتجيبش حاجة. وكل ما اعلي الجرعة عشان تجيب - [00:09:28](#)

الدماغ ارجع تاني اتهد بعدها وما تجيبش اي نتيجة. وخايف ان انا اموت وانا باخد جرعة. وغير ان انا خايف من انتقام ربنا لي. لان انا عارف ان انا بعمل - [00:09:48](#)

كبائر وموبقات والمخدرات اصلا بتجيب كبائر وانا فيها. وانا الوقت اصلا ما عدش المخدرات كمان بتخلي مزاجي حلو. واول ما تاسيرها بيروح انا بدخل في اكتئاب رهيب وبيجي لي خواطر انتحارية اكتب كمان كمان اكتب اكتب اكتب الخسائر المالية والخسائر الاجتماعية - [00:09:58](#)

الخسائر النفسية والخسائر الدينية والخساير في احترامك لنفسك. والخساير في نظرة المجتمع لك. اكتب اكتب اكتب. لحد ما يكتب زي البلاك الاسود يقولوا له شف وصلتك لايه؟ عايذ تكمل؟ انت عارف النهاية ايه لو خرجت؟ ولا عايذ تقف وقفة بقي؟ فيتحول - [00:10:18](#)

قال لي انسان راغب انه فعلا ينقز نفسه من الهاوية اللي هو فيها. اهي دي لحزة القلب الى الايه؟ الى الجناية انك انت تروح النهاردة تعمل ورقة الزنوب. ايه ورقة الذنوب دي ؟ اللي هي ورقة الخساير - [00:10:38](#)

اكتب بقي. روح النهاردة اكتب ورقة الزنوب. طبعا تبقى مخيبة كويس يعني عشان وتأخذ بالك يعني الورقة دي اكتبها آآ وانت ما تبصش شوية غير وانت فايق غير وانت طائع ومنطلق. لان لو ممكن تبص فيها تحبطك - [00:10:52](#)

انما انت عايذ تفوق الوقتي. انت عايذ تفوق اكتب زنوبك. اكتب زنوبك في حق الله. اكتب الامراض النفسية اللي جواك. امراض النفوس والكبر والانا. اكتب امراض القلوب اللي جواك والشك في الله اكتب كل حاجة. وزوء الزن بالله عند الابطاء وتعلق القلب بغير الله. اكتب اكتب معاصي السر اللي انت - [00:11:09](#)

تعملها بينك وبين نفسك وما حدش يعرف عنها حاجة. اكتب من غير تفاصيل حتى اشارات سريعة. اكتب المعاصي الجارية المرات اللي انت علمت حد معصية قبل ما تتوب ولا شيرت حاجة فيها معصية. اكتب اكتب اكتب المعاصي اكتب معاصي الامانات. الفلوس اللي كلتها على حد الديون اللي عليك لناس ونسيتهما الكتب اللي - [00:11:29](#)

وما رجعتهاش ، فلوس المدرسين اللي ما اكتب اكتب كل الزنوب بتاعتك. اكتب زنوب الحقوق آآ عقوق الوالدين قطيعة الرحم ازي الجار. سوء الاخلاق مع الناس. اكتب الحاجات دي. اكتب عشان تفوق. اكتب المعاصي. اعصر دماغك كده - [00:11:49](#)

كده معاصي السمع معاصي البصر معاصي اللسان معاصي معاصي زمان معاصي الماضي اللي انت تبت بس مش سبت ان انت سبت بس مش تبت انت سبت كان زمان مسلا وانت في درس في اعدادي ولا سانوي كنت تقعد تبص للبنات اللي قاعدين في الدرس مسلا قعدت تبص دلوقتي انت ما بتعملش ده بس لانه عيب ايه يا عم قلة القيمة دي - [00:12:09](#)

مش لان حرام. ما صلتش منها ركعتين توبة لحد دلوقتي. انت سبتها وخلص. واتهيأ لك انك انت لأ. اكتب اكتب كل الزنوب اكتب زنوبك في حق الاسلام وفي حق نصره الاسلام. كل مرة النبي عليه الصلاة والسلام شتم فيها وانت ما ردتش. كل منكر شفته كنت تقدر تغير بقدر - [00:12:29](#)

بطاقتك وما غيرتش. كل فترة تخالزت فيها عن الدعوة الى الله. اكتب اقعد على مدى الورق ده يا جماعة انا من وانا في آآ في رابعة كلية يعني وانا عندي كم سنة مسلا يعني من حوالي فوق العشرين سنة. الورق ده انا كل فترة بارجع ازود فيه تاني. ورقة النعمة وورقة الذنوب - [00:12:49](#)

اللي هي لحزة القلب الى الجناية ولحزة القلب الى ولحظ القلب الى النعمة. من يوم ما الشيخ محمد يعقوب ربنا يحفره وانا طالب وحاضر وقاعد قال اعملوا ورقة النعم واعملوا ورقة - [00:13:09](#)

الذنوب. رحت بدأت ورقة النعم وورقة الزنوب. ما كنتش عارف اكتب ايه في ورقة النعم؟ مش عارف الوقتي كل سنة سنتين اكتب لي ورقة اتنين ثلاثة جداد ليه؟ لانك انت كل فترة افكك بيتفتح اكرر. وبتفهم ان كزا نعمة وبتفهم ان كزا زنب وبتفهم وبتبدأ يحصل حنة اليقظة - [00:13:19](#)

آآ وحظ القلب الى الجناية ورقة الخسائر ورقة الزنوب ها الكلام ده اتقابل به ربنا ازايا؟ الكلام ده هيترفع لربنا في شعبان ازايا؟ الكلام ده هتدخل قبرك به ازايا لازم تفوق ولازم تتوب. الحاجة الثانية لحظ القلب الى النعمة - [00:13:39](#)

لاحظ القلب الى النعمة اللي هي تعمل ورقة النعم بقى. تبدأ بقى تكتب ربنا عمل لك ايه. قبل ما اقول للحظة القلب الى النعمة بقى انا هاجيب الثالثة عشان لحزة قلبي يا انما انا عايز اتكلم في شوية. فعشان ما انساش والوقت يسحبنا ان الحاجة الثالثة مطالعة - [00:13:54](#)

اه الزيارة ونقصان في الايام. جزاك الله خير. اللي هي ايه؟ اللي هي بنسميها ايه انك تفهم ان العمر قصير وانك يا تلحق يا ما تلحقش يعني مش قصة زنوب ونعم. ده انت يا حبيبي ممكن تموت بكرة. هو هو اللي جا له سرطان نسال الله العافية. هو كان عارف امبارح - [00:14:13](#)

ان عنده صواب. هو فجأة لقي عنده فجأة دخل في دايرة مع السلامة. هو اللي جا له كزا. هو اللي حصل له كزا. هو اللي جا له كزا. يعني انت ممكن تموت فجأة - [00:14:33](#)

انت ممكن تخرج من التراك ده كله فجأة في لحظة فانت لازم تبقى واخد بالك ان هي تلحق يا ما تلحقش. ان المهلة مش زي ما انت فاكر مش مفتوحة ده امتحان وله وقت بينتهي. وكل واحد مننا نهاية اللجنة بتاعته غير الثاني. في واحد مننا لجنته هتخلص بعد ساعة. في واحد مننا لجنته هتخلص الليلة - [00:14:42](#)

في واحد مننا بعد شهر في واحد مننا بعد عشر سنين. في واحد مننا بعد اربعين سنة. الله اعلم. انت ما انتاش عارف انت مداخل لجنة بتبص على ساعات الامتحان عشان تعرف تزبط وقت اجاباتك. فوجئت ان ما فيش وقت. بتنادي المراقب وبتقول له هو الامتحان ده وقته قد ايه؟ قال لك الامتحان ده ما حدش عارف وقته - [00:15:02](#)

كل طالب من الطلبة له وقت غير الثاني. يعني ايه؟ يعني كده. هو الامتحان ده كده. حدش عارف مدة لجنته هو قد ايه. كل واحد له مدة غير الثاني في لحزة بتنادي الف سلامة يا باشا سلم الورق خلاص والملكين يسلموا صحيفة الخير والشر بتاعتك وياللا على القبر وعلى اول ليلة في القبر - [00:15:22](#)

فانت لازم تاخذ بالك انك يا تلحق يا ما تلحقش. الحاجة الثالثة اللي هي لحظ القلب الى النعمة. لحظ القلب بقى. انك انت قلبك بيدأ يفهم ربنا عمل لك ايه. اصل خد بالك هي دي المهمة المستحيلة. دي يعني ايه المهمة المستحيلة - [00:15:42](#)

تقدر تعد نجوم السما؟ مستحيل. تقدر تعد ورق الشجر؟ مستحيل. تقدر تعد عدد حبات الرمل في الصحرا؟ مستحيل. لو قدرت تعد عدد حبات الرمل في الصحراء وورق الشجر ونجوم السما هتقدر تعد نعم ربنا عليك. مش ممكن - [00:16:00](#)

مش ممكن فعلا مش ممكن اللي بس بيركز في النعم وبيحاول يكتب هيفهم ان ده مش ممكن. اصل هتكتب ايه يعني ورقة النعم بقى انت هتروح تعمل ورقة النعم بازن الله - [00:16:16](#)

الليلة ورقة النعم دي هتكتب فيها ايه ؟ نعم الدنيا قصة ولا نعم ولا نعم الدين ؟ نعمة انك انت ان ان ربنا بعث لك النبي محمد عليه الصلاة والسلام. لولا سيدنا محمد انت كنت تبقى فحمة من فحم جهنم - [00:16:26](#)

هو انت مش آآ اللهم صل على محمد. اللهم صل على يلا يا رجاله ما حبيبي يا غالي. اللهم صل على محمد. اللهم صل على الحبيب حبيبي محمد عليه الصلاة والسلام. فانت نعمة معرفة الله. معرفة الله وبره واحسانه. السبب الوحيد للسعادة على وجه الارض هو معرفة الله. السبب الوحيد - [00:16:43](#)

للسعادة والامل على وجه الارض هو معرفة الله. من غير معرفة الله دي الحياة كانت تبقى مصيبة. ما حدش كان يطيق الحياة اصلا. كان تسعين في المية من البشر ينتحروا اصلا. ما يقدرش يستحمل الدنيا لولا معرفة اسماء الجمال لله. لولا معرفة اسماء الله وصفاته سبحانه وتعالى - [00:17:03](#)

معرفة الله نعمة القرآن اما تلاقي فلاسفة الكفار بينتحروا وعلماء كفار بينتحروا وشباب كفار بينتحروا يعني كنت لسة قاعد مع ولادي امبارح بنات يعني فبقول لهم يعني اللي قال المعصية واهل الباطل والفنانين والبتاع بيمسلوا قدام الناس ان هم سعداء - [00:17:23](#)

وبيمسلوا انهم بيضحكوا ويروحوا يأجروا فلل ويأجروا عربيات لامبورجيني ويعملوا انها بتاعتهم وانهم كسبوها عشان يضحكوا على دماغ الشباب يعني. وهي مش بتعدم ولا حاجة. الحاجات دي كلها بتتأجر اصلا - [00:17:43](#)

تسعين في المية من الحاجات دي حاجات بتتأجر عادي ويصوروا فيها وقامت. فيقولوا لي بس يعني في ناس بيبقى شكلها بيضحك كده فقلت لهم طيب سمعتم عن كريستينا اوناسيس اغنى مليارديرة في العالم انتحرت ليه وهي في الثلاثينات. اغنى مليارديرة في العالم. سمعتم عن ملين مونرو اكثر واحدة كان ملوك العالم يتمنوا يقعدوا معها ربع ساعة. انتحرت ليه؟ وهي في - [00:17:53](#)

ما لها وشبابها. سمعتم عن داليدا اللي كانت بتغني بست لغات وشارل ديجور كرمها وكانت مشهورة عالميا انتحرت ليه؟ وهي في عز شبابها بابها وجمالها. سمعتم عن الف اسبرس اللي كان اشهر مغني في العالم. انتحرت ليه؟ هو في قمة مجده وشبابه. لو الناس دي سعيدة انتحروا ليه - [00:18:13](#)

لو الناس دي سعيدة اللي وصلوا للقمة بالمنز ده. انتحرت ليه؟ الناس دي بتنسل انها سعيدة. الناس دي فيه فرق بين المتعة والسعادة. انا ممكن امتع ان انا ابص لواحدة في الحرام. انا ممكن امتع ودني ان انا اسمع اغنية. انا ممكن امتع لساني ان انا اقعد اتكلم في سيرة الناس. انا ممكن امتع جسمي بحرام - [00:18:33](#)

انما السعادة دي بتاعة قلب هتجيبها ازاي؟ انت تقدر تمتع عينك انما ما تقدرش تسعد قلبك. عشان كده الله سبحانه وتعالى يقول انهم في ولا لا تمدن عينك الى ما متعنا. مش اسعدنا ما متعنا به ازواجنا منهم. هتلاقي واحد بقى راكب بعربية - [00:18:53](#)

متبرجة وهو مش عارف ايه. راجل اعماله بياكل من حرام وحلال لنفتنه زهرة الحياة الدنيا زهرة. يعني المناظر اللي انت شايفها والابراج والعمارات سواني كل دي زي الازهار. الفارة دي من الحاجات اللي عمرها قصير دايم في الحياة. حتى لما في رؤية كده تشوف حاجة فيها ازهارها وكده حاجة عمرها قصير اصلا - [00:19:13](#)

دي حاجة ريحتها حلوة بس بتدن بسرعة بتموت بسرعة. قربنا يقول لك كل دي ازهار. كل دي هتدبل اسرع مما تتخيل. لنفتنهم فيه. قال المفسرون اي لنعذبهم به هو بيتمتع بس عايش في عزاب. السعادة دي حاجة تانية. السعادة دي شئ تاني السعادة ما فيش كل

متع الدنيا ما تجيهاش. فانت لازم تبقى فاهم - 00:19:33

قامت القرآن. القرآن هو المصدر الوحيد للسعادة على وجه الارض. نعمة الاسلام. الاسلام هو جواز السفر الوحيد اللي بتعدي به من على شفير جهنم بتاع الصراط جواز صفا الوحيد ممنوع واحد معهوش جواز السفر ده يدخل اصلا الصراط. اصلا يعني الكافر ما بيدخلش الصراط اصلا بيدخل على جهنم على طول - 00:19:53

اللي دخل صراط الدنيا اللي بيدخل صراط الاخرة وجواز السفر الوحيد اللي بتدخل به باب من ابواب الجنة. ربنا يرزقنا ابواب الجنة الثمانية يا رب. فده ده دعمة الاسلام نعمة الجنة. يعني ايه نعمة الجنة - 00:20:13

هو دلوقتي تخيل لو واحد قام داخل من الباب وقام قايل لنا انا هادي لكل واحد منكم مليون دولار. خد مليون دولار مليون دولار مليون دولار مليون دولار مليون ها شف بقى وبعد كده قام قايل يا جماعة خدوا بالكم - 00:20:26 كل واحد خد مليون دولار. اللي هيقول لي شكرا هادي له ميت مليون دولار. مكافأة انه قال لي ايه؟ اهي دي الجنة. ربنا اداك السمع غضك البصر واداك الجسم واداك الحياة واداك الروح واداك القرآن واداك الاسلام. واداك اللي لا تتخيله من النعم. وبعد كده ربنا قال - 00:20:39

اللي هيقول لي شكرا هادي له الجنة. يا سلام! ده ايه ده! ده ايه العرض ايه يا اخوانا ده! يعني يعني الجنة اللي هي لي قال شكرا على شلال النعم بتاع الدنيا - 00:20:59

ما هي دي معركة ابليس كلها. ابليس لما قال لربنا كده قبل ما انت لما اتأذى اتخلق لادم. قال له ولا تجد اكثرهم ايه؟ شاكرين ابليس بيقول لربنا انا انسيهم انت عملت لهم ايه. عشان كده ورقة النعم دي ايه؟ دي تحدي قهر ابليس - 00:21:15 دي اللي بتقهره ليه؟ لان ابليس مش هيعرف يعمل لك حاجة لو نسيت الا لو نسيت نعم الله. الا لو نسيت عمل لك ايه؟ ازاي آا انا عملت زنوب آا هو انا هو يقبلني - 00:21:35

جايبة لك مين يا ابني! ده لو ابوك هيقبلك. انت مش ابوك ده قطرة في بحار ومحيطات حنان الله عليك. وتحنن الله عليك ابوك ايه انت انت مش انت مش فاهم طب انا انا نفسي ربنا انا عندي طلبات بس هطلبها منه ازاي؟ انا ما عملتش انا مكسوف - 00:21:49 يفرجها ليه؟ يديني احلامي ليه؟ انت يا ابني دماغك فيها حاجة وهو وانت جنين في بطن امك اداك سمعك وبصرك ليه؟ كنت صوام قوام وانت في بطن امك؟ كنت بتصحى كنت بتصوم اتنين وخميس وانت جنين! كنت - 00:22:09 قم تلت الليل الاخير كل ليلة وكنت بتختم المصحف انت كنت حنة حيوان منوي اصلا ولا كنت بتعمل حاجة في عيشتك اداك سمعك وبصرك ومخك ليه؟ هو مش بيديك لانك تستاهل. كده كده هو بيديك لانه كريم. لانه كريم. فانت ما تستصعبش انك تطلب منه حاجة - 00:22:24

وبعد كده اللي بيفهم النعم بيسخن جدا على العبادة. يا جماعة ورقة النعم دي من اخطر سمار. ورقة النعم دي نقلة من الات حياتك. اللي هيعملها نقلة من نقلات حياتك ليه؟ لانك تقعد تفكر كده. اللي اداني كل ده من غير ما اعبد ولا اجتهد. امال لو اجتهدت في العبادة هيديني ايه - 00:22:44

امال لو اجتهدت في العبادة وفي الطاعة هيعمل لي ايه؟ وهيديني ايه؟ غير ان ورقة النعم بتخليك لا تيأس ساعة الابتلاء. لان اللي ربنا اداه لك هو الابتلاء اصلا ليه؟ الابتلاء ده نعمة. ايه نعمة الله في الابتلاء؟ ان انت عندك مليون نعمة. فانت مش حاسس بها. انت ماشي وخلص. ماشي وخلص. فانت - 00:23:04

فرينا احيانا بيتليك يعني ايه الابتلاء؟ الابتلاء انه خد منك انه خد منك نعمة فحياتك بقت عزاب نعمة واحدة بس اتاخذت. حياتك بقت عزاب. يعني فيه مليمتر واحد في ودانك عضلة اسمها الاستبيدياس. العضلة دي اقصر - 00:23:24 عضلة في جسم الانسان. العضلة دي طولها واحد مليمتر. ملي موجودة في الاذن الوسطى. العضلة دي اه بعد طبلة الودن كده طولها مللي. العضلة دي وظيفتها ايه؟ ان انت فجأة يعني. قام الموبايل راني - 00:23:41 ام المنبه ضرب الجرس. قام واحد حاطط ايده على كبس الباب بتاع الجرس وما شالوش. قامت عربية بكلاكس جايبة عليك. قام

طفل بيهزر وقام جاب تسدس جنب ووندك اللعبة وقام ضارب طلقة منه. الحاجات دي كلها المفروض انها سكية تقوم راشقة في

الدماغ. فربنا خلق العضلة الملي دي - [00:23:57](#)

في عشان الخبطة اللي بتيجي على طبله الودن تقوم الملي ده منقبض مفرمل طبله الودن. مفرملها تقوم الصوت العالي للمخ ايه ؟ هادي. فما تحسش بان فيه مصيبة دي الفرامل بتاعة الودان. الفرامل بتاع الودان. لو الملي ده باز. انا مرة فكرت كده وانا قاعد مع

نفسي لو الملي ده باز هيحصل ايه ؟ فدخلت - [00:24:17](#)

ادور في يعني يعني في المقالات الطبية على المللي ده لما بيبوز دي لما بيحصل فيها حصل فيها شلل بيحصل مشكلة كمية الامراض اللي بتصيب الانسان لو الملي ده وباز. من ضمنها الانهيار العصبي. من ضمنها الاكتئاب الحاد. ممكن الناس تفكر في الانتحار. من ضمنها

ان الانسان ما عادش - [00:24:42](#)

بيعرف ينزل في الدنيا يقفل على نفسه مكان ويقفل البيبان والشبابيك ويفضل قاعد لان صوت واحد بيطلع ما عدش زي ما انت الوقتي فجأة الشيخ قام مطلع صوت عادي. انما لو العضلة دي بايطة سكية رشقت في المخ. والعياز بالله. النوبات الفرع. لو -

[00:25:04](#)

قل مين اللي ده باز انت الملي ده حته كده ربنا ادالك. الملي ده تدفع فيه كاملة وباص تدفع فيه كم يعني انت مستعد تعمل تعمل ايه

عشان الميل ده ؟ انت ادبت لربنا ايه اصلا عشانه - [00:25:24](#)

انت مش متخيل انت ربنا مالبك اسمك بايه. نقطة كل نقطة تعالوا اما ناخذ مللي من الدم. احنا خدنا مللي من اللحم. مللي من اللحم.

الي هي العضلة دي اما ناخذ مللي دم ملي من الدم يعني ايه نقطة دم ؟ ايه بقى اللي ربنا اداه لك في كل نقطة دم في جسمك ؟ في

كل مل في الدم في جيبك كل مللي من الدم في جسمك - [00:25:37](#)

او بيحتوي على لان مش ده بس ده لسة الحاجات الثانية كتير جدا. انما بيحتوي على خمسة مليار كرة دم حمرا خمسة مليار كرة الدم

الحمراء دي لها شهادة للاكسجين. اللي بيروح الرئة يشيل الاكسجين ويجري بقى في الجسم يوديه للاف مليار خلية اللي في جسمك.

عشان كده لو كرات الدم الحمراء دي - [00:25:57](#)

حصل فيها مشكلة اختناق. الانسان يموت. الاختناق مش انك ما تعرفش تاخذ نفسك. الاختناق الطبي ان الاكسجين ما يعرفش يوصل

من الرئة للجسم فمين الشيال اللي قعد يلف ليل نهار في جسمك ليل نهار آآ كرة القدم الحمراء. عضمك بيكون كل سانية كل سانية.

اتنين ونص - [00:26:17](#)

تتكر الدم حمرا تخيل يا اخي لو ربنا طلب منك شلن قدام كل كرة دم حمرا. شلن. تعرف تدفع التمن ده كل مللي في جسمك خمسة

مليار كرة دم حمرا. كل مل في جسمك في نص مليار صفيحة دموية. يعني ايه صفيحة دموية يعني ؟ عارف من غير الصفيحة

الدموية دي - [00:26:38](#)

مممكن يحصل ايه ؟ لو دبوس شكك في ايدك. مراتك بس دبوس الطرحة آآ وهي بتحطه في الطرحة قام شاككها في وشها قام شاككها

بصراحة. عارف كان يحصل ايه ؟ كان - [00:26:57](#)

دمك كله في خلال اسبوع ينزف ما هو ما فيش حاجة توقف الدم. ما هو الدم بيقف عشان الصفايح الدموية. كان دمك كله ينزف لو

دبوس بس مسك آآ مسك - [00:27:07](#)

مسك صاع قدامك كله ينزل لحد ما يصفى كده. ما فيش ما لهاش حل. كل مللي في دمك فيه عشرة مليون كرة دم بيضا. كرات الدم

البيضا اللي هي الايه ؟ قوات الامن المركزي اللي جوة جسمك اللي هي بتدافع عنك من الميكروبات والبكتيريا انت انت لو ربنا ادالك كل

نعمة من دول - [00:27:17](#)

شلن ولا انت ما عملتش حاجة. انت مستصعب ان ربنا يدك ايه ؟ ايه احلامك ؟ عايز تتجوز ؟ عايز شقة ! ده انت غلبان قوي. قوي يعني

لو قالوا لك ولا كبك ؟ تبيع كبك بشقة ؟ - [00:27:37](#)

طب يا عم بلاش شقة. شقة ايه يا عم ! حرام عليك يا شيخ ! هو انتم شقة متين متر ! تبيع كبك عارفين الكمبوند بتاع بيفري هيلز تبيع

كبدك ببيفري هيلز ها - 00:27:50

انت مجنون تبيع الغدة النخامية في مخك بانك انت تبقى رئيس جمهورية؟ الغدة النخامية بس حنة النص جرام دي اللي في كرسي كرسي التركي اللي في نص الدماغ ده الغدة النص جرام دي اللي بتفرز ستاشر هرمون كل هرمون منهم - 00:28:02
لو راح من جسمك حياتك كلها تتدمر. نص جرام تباع حبتين كبدك حنة اللحمية ديت اللي بتأدي خمسمية في جسمك حنة لحمية بتأدي كبدك ده لو باز الانسان يتجنن ويتشل في خلال ايام - 00:28:18

لان الكبد ده هو اللي بيظهر الدم من السموم. فالكبد لما بيبوظ السموم بتطلع على المخ. الانسان بيتجنن. تلاقية هو عايش كده نسال الله العافية. ها ويتشل لان كبدك ده اللي بينشطك اصلا. ده النشاط لو كبدك ده كان اقل حجما مما هو عليه. كنت عشان تروح الحمام ده تقعد ساعة. مش قادر - 00:28:36

مش قادر كنت لو آآ لو آآ يعني يعني شربت شقطة من كوباية اليانسون دي عايز نص ساعة تريح قادر لو رقتك دي كانت اصغر مما هي عليه شوية كنت مشيت تنهج. نايم تنهج صاحي تنهج. عامل زي مرضى كورونا كده - 00:28:53
نسال الله العافية. لو كان مخك اصغر مما هو عليه كت لو قلت لك ثلاثة في اثنين بكام قعدت ساعة اما البروسيوسور بتاع دماغك عرف يلقتها. انما الوقت اللهم بارك واحنا جايين بالعربية فاخونا الشيخ احمد وسبق رجل آآ على البنزين والرجل الثانية آآ من ناحية -

00:29:07

فرامل وايد ماسك بها الدركسيون وقعدوا يجيبوا بقى ايه يربطها والايد الثانية ماسكة الموبايل وبيتكلم واحنا بنتكلم مع بعض في العربية يرد علينا في نفس ده المخ انت ما انتاش متخيل انت بتعمل ايه ؟ الاعمال دي كلها من غير امكانيات المخ اللي ربنا اداه لك. المخ ده لو مات لو قعدت بس تشكر ربنا على المخ. ليوم الدين - 00:29:27
والله بتأدي نعمته. مركز واحد يبص في المخ ربنا يعافينا. حياتك كلها تتدمر. مركز الارتيكوليشن بس. النقطة بتاعة الترجمة. اللي هي مسلا انا مسلا عايز اقول مسلا ايه بحبك. اه بحب انا حسيت بالحب فابقى عايز اقول بحبك. بحبك ده معنى جوايا. عايز اترجمو في مركز في - 00:29:51

مخ بقى المعنى ده بيوصل له يقوم ايه يترجم في شكل كلام. يقوم بيعت المركز ده بيعت بقى لمراكز انف المخ يأمرها بالكلام اللي انت هتقوله حرف حرف. المخ بيتترجم الكلام اللي انت عايز تقوله بالحرف. يعني بحبك دي باء وبعد كده حاء وبعد كده باء -

00:30:11

وبعد كده كاف وعشان الكلام يتنفذ بيصدر اوامر لعضلات البطن والحجاب الحاجز وعضلات الصدر والرنة والهوا اللي خارج وعضلات سقف الحلق ولسان المزمار والاحبال الصوتية عشان يتنفذ مسل ما انكم تنطقون ما ربنا بيقول لك انت ما انتاش - 00:30:31
عارف معجزة النطق اصلا. انت انت قاعد على السريرا! هات لي يا بنتي كوباية مائة! انت ما انتاش فاهم هاتي لي يا بنتي كوباية مائة دي! ايه اللي حصل جواك عشان تعرف تقولها - 00:30:51

فربنا بيقول لك فورب السماوات والارض انه فورب السماء والارض انه لحق اللي هو الايه؟ الرزق. مسل ما انكم ايه؟ تنطقون نطقك ده اصعب حاجة انت بتعملها في حياتك. بس انت بتعملها ولا انت حاسس انك بتعمل حاجة ربنا سهلها لك. فربنا بيقول لك والله اعلم بمراده ان انت الرزق كده - 00:31:01

انت مستصعب الرزق ربنا يقدر يسهله لك. زي ما سهل لك النطق بس انت معهم هو ربنا يقدر. بس انت تستاهل انت تستاهل ايه القصة فيك. هو ربنا ما عندوش مشكلة سبحانه وتعالى. القصة فيك انت. انظر كيف عاملك الله وكيف تعاملت انت مع الله. شف ربنا عاملك ازاي بالبر - 00:31:21

والاحسان والجد انت اتعاملت مع ربنا ازاي ؟ ده جسمك ده جسمك ده انا ما بكلمكش في حاجة. ده انا قاعد اكلمك في جسمك. انا انا مش باكلمك في نعم. آآ اعظم شرط مرور في التاريخ لسان المزمار ده - 00:31:41
لولاه كان بق الماية ده تموت لان ده اللي بيدي الاشارة الحمرا والاشارة الخضرا الماية تعدي يدي الاشارة الحمرا للهوا يقوم يقفل بعد

كده الماية عدت يقوم يدي الاشارة الخضرا للهوا يقوم بقى حاجة حتة البتاع اللحمة الصغنة دي من غيرها كان زمانك مت مع اول رضة رضعتها اول ما اتولدت - [00:31:54](#)

مين اللي ادهالك دي تساوي كام دي وتدفع ايه في النعم دي ؟ ربنا سبحانه وتعالى مالي جسمك بنعم لا تعد ولا تحصى الجمال في خلقك الجمال يعني بس تخلي مسلا خلي الشفايف دي تروح ايه الشفايف يعني ها وتبقى ماشي بسنانك كده زي الوحوش اللي في افلام الرعب كده. ماشي ازاى ؟ واللعب طبعاً - [00:32:14](#)

ان الشفايف مش مقفولة للعب قعد ينزل منك ليل نهار كده. ده بس لو شفايف راحت. اومال لو الجفن راح تبقى عامل زي عنان الضيوف طاعة. ماشي كده راعي بالناس في كل لو طلعت لواحد في الدار - [00:32:40](#)

الله يتفزع منك اصلا. طب خل الحواجب تروح. عارف شخصية هاما في الافلام بتاعة زمان. كان دايمما يجيبوا همان من غير حواجب. ها ليه ؟ منزر مرعب اصلا انا هاما كده. منزر من غير حواجب انت من غير حواجب كان يبقى شكلك ينفع تمسل افلام رعب. ملكة جمال العالم من غير حواجب تمسل افلام رعب. مش مش - [00:32:50](#)

مين اللي مين اللي خلاك مين اللي حلاك سبحانه وتعالى ؟ مين اللي اداك ؟ اكتب النعم. اكتب النعم اللي ربنا اداها لك خدوا بالكم انعام كتير اوي اوي. كنت بقول لك مركز الترجمة في المخ ده - [00:33:10](#)

لو باظ بتبقى ربنا يحفظنا. بيبقى الواحد عايز يقول ومش عارف. عايز يقول لمراته الف شكر والله على كوباية الشاي اللي عملتها. مش عارف اصعد يلخبط صالة كلام سلطة يعني قاعد يقول كلام زي السلطة كلام كله عن بعضه. عايز يقول لواحد الله يكرمك خد بايدى مش عارف ايه - [00:33:24](#)

مش عارف كلام كله ملخبط ما حدش فاهم منه حاجة. ولا هو عارف يعبر عن اللي جواه وبني ادم زيه زيك. نقطة بازت جواه ملي باز جواه. ده مركز واحد من مراكز المخ - [00:33:44](#)

مركز واحد غير مراكز كتير. تخيل لو كان عندك احساس في شعرك. خلايا احساس في شعرك. كان لما تيجي تحلق ما تقولش انا نازل رايح للحلاق الكلام ده حبيبي. كت الحلاقة دي تبقى في قسم الجراحة في مستشفى الجامعة. لانك كان لازم تاخذ مخدر كل ما هو التلاتين اربعين الف شعرة دول عشان تقصهم - [00:33:55](#)

كان تلاتين اربعين الف عصب هيتقطعوا. كانت تبقى مصيبة. يعني الام ما بعدها الام. كنا هنمشي زي انسان الغابة زمان كده. ما فيش حاجة اسمها حلاوة اصلا لان كان قص الشعر تماما زي قطع اللحم. زي ما تجيب مقص وتقطع من لحملك. مين اللي حلاك بقى وخلي شعرك ما فيش فيه - [00:34:15](#)

حسيس عشان تقدر انك انت ما فيش فيه الم يعني. احساس الالم عشان تقدر انك انت تحلق من غير ما تاخذ مخدر كلي ومن غير ما تبقى عملية جراحية وبنج كلي - [00:34:35](#)

مين اللي اداك دي ؟ لو خلايا الاعصاب هي الخلايا الوحيدة جوة جسمك اللي ما بتتجددش. جسمك كله بيتجنن. انت كل ست شهور انت جسم غير الجسم اصلا. كبد غير الكبد وعشان يفضل - [00:34:45](#)

نشيط وسليم. فالجسم بيعمل عملية اعجازية كده اسمها اعادة تدوير. عارفين عارفين اللي هو الوقتي يجيبوا الزبالة ويعملوا لها اعادة ويطلعوا منها منتجات تاني هو جسمك بقى شغال كده اربعة وعشرين ساعة. شغال الخلايا المريضة الخلايا الهفتانة الخلايا التعبانة اه مخلفات - [00:34:55](#)

الجسم كل ده فيه اجزاء كده جوة الخلايا بتعمل عملية دي وتقوم مفرماها زي فرامة الورق كده فرماها كلها وبعد كده تروح لاجهزة التصنيع في الخلية يتصنع منها خلايا جديدة. ويتصنع منها حاجات جديدة. بحيس انك انت تفضل على طول جوة جسمك شباب - [00:35:15](#)

تفضل على طول جوة جسمك عملية العالم الياباني اللي اكتشفها الفين وستاشر خد نوبل فيها. نوبل في في العملية دي بس اللي انا بقولها لكم قد ايه. اللي هي اه اه يعني اللي هو الجسم بيعيد تدوير نفسه ازاى وبيحافظ على شبابه ازاى. والعالم ده حتى التوصيات

آآ عشان كده لو حد مهتم بالريجيم ما اعتقدش ان هي مهتمة بالريجيم يعني. لو حد مهتم الحمد لله لو حد مهتم بالريجيم يلاقي برة ما عدش في كلمة رجيم برة عاد الكلمة اللي طاغية اوي اسمها ايه - 00:35:57

اسمها ايه هو ما فيش حد مهتم بالريجيم خالص لأ يا مولانا الكلمة الوقتي العالمية اللي في كل الدنيا كلها الصيام المتقطع يقول لك الصيام المتقطع. ما هو ده كله بسبب العالم الياباني ده. العالم الياباني ده قال لك طب انا الوقتي عايز انشط عملية الريسايكلنج دي - 00:36:12

انا عايز افضل شباب. فلو العملية دي زادت هتفضل شباب وهيفضل جسمك صحته قوية. لان اقوى حاجة بتنشط العملية دي الصيام اقوى حاجة بس قال مش الصيام الصيام المجاعة. يعني عارفين صيام النصارى - 00:36:34

ما تاكلش الايه آآ حاجات معينة وتاكل حاجات معينة. قال لك لأ مش ده الصيام اللي هينشر العملية دي. قال لك الصيام اللي هي نشر العربية دي الصيام اللي لا فيه لا اكل ولا شرب لمدة - 00:36:50

حوالي ستاشر ساعة يوميا قال لك انك تقعد ستاشر ساعة الاكل. فما عملية المجاعة احساس الخلايا بالمجاعة هي اللي بتنشط العملية دي. يقوم الجسم يقعد ياكل الخلايا السرطانية اللي فيه. ويفرمها وياكل الخلايا المريضة وياكل الخلايا - 00:37:00

عشان يطلع خلايا جديدة عشان يحافظ على نفسه. فقال لك يبقى الحل انك انت كل اسبوع تعرض جسمك لمجاعة لمدة حوالي

ستاشر ساعة لا اكل ولا شرب. اللي هو ايه يا باشا؟ صوم الاثنين والخميس - 00:37:13

وقال له بقى لو عايز تجوزها قوي مرة في السنة تقعد من ثلاثين لاربعين يوم متواصل يوميا ستاشر ساعة حرمان. وبعد كده تمن

ساعات تاكل وتشرب رمضان والاتنين والخميس عالم ياباني خد نوبل في يوم الفين وستاشر - 00:37:33

واحنا قاعدين كده اللهم بس طبعاً هو واحد يقول لك طب وهو الصيام المتقطع ده بيقول لك ان ده الوقتي بدل الرجيم وتغضب نفسك ليه ما تصوم صيام متقطع بدل الرجيم. يا عم طب ما احنا بنصوم في رمضان كل واحد اللهم بارك بيخرج من رمضان. زايد له عشرة كيلو. حبيب قلبي ما اصل الناس دي بتقول لك في التمان ساعات بقى الثانية - 00:37:55

انت اللهم بارك المحشي مستني والبتاع مستني ده انت كده ضماً جسمك وهو محروم هيمتص كل الاكل هتدمر لأ الناس دي بقى في التمان ساعات بتاكل بقى بالمعقول العادي يعني التمان ساعات تاكل هتقوم تخس. انما التمان ساعات تفتري تقوم تتخن. لان جسمك

ملهوف فيبمتص كل الكلام اللي انت بتحطه. فانت لو عايز رمضان - 00:38:15

كلفة تمن ساعات بالمعقول. بالمعقول سنة النبي عليه الصلاة والسلام. تقوم تخس في نهاية رمضان. نعم ربنا سبحانه وتعالى نعم لا تعد اهو الصيام ده. نعمة الدين والاسلام والشريعة بتفاصيلها. الصيام ده انت تعرف ان هو من اقوى اسباب الوقاية من السرطان - 00:38:39

00:38:39

ما حدش عارف اصلاً اللي بيصوم بيصوم عشان ربنا واللي ما هوش عارف الصيام ده هو بيعمل ايه اصلاً. لانه بينشط العملية اللي بتاكل خلايا السرطان وتعيد تدويرها في شكل خلايا سليمة مش عارف. انت ما انتاش عارف الصيام ده فرق معك ايه؟ القرآن ده فرق

معك ايه؟ الدين فرق معك ايه؟ نعم الله سبحانه وتعالى - 00:38:57

لا تعد ولا تحصى غير ان في حاجة اسمها النعم الخاصة بقى عشان يعني ننهي اللقاء في في التلات معاني بتوع اليقظة. النعم الخاصة. يعني ايه النعم الخاصة اه النعم الخاصة في نعم خاصة كتير الزكاء المواهب اللي ربنا اداها لك وميزك عن غيرك. الشخصية

النفسية السليمة انك ما طلعتش عندك اضطرابات في شخصية - 00:39:17

طيب ان ما طلعتش عندك مشاكل في آآ نفسياتك وخواطر انت يعني في حاجات كتير فعلاً ربنا ميزك فيها. وفضلك فيها على ناس

كتير جداً. جدا انت كشخص وهتلاقي حاجات كتير جداً. يعني انك انت لك آآ انك انت لك ام واب - 00:39:39

دي نعمة جبارة انت يعني يعني كان في ملجأ كنت مع آآ يعني مدير الملجأ بتكلم معه يعني باتكلم معه نعمل ايه للاولاد نعوضهم ازاى عن شوقهم انهم يعرفوا ومن ابوه ومين امهم قال لي بص لو - 00:39:56

قال لي األى حاجة في الدنيا الجنة األى حاجة في الوجود ايه؟ الجنة؟ قال لي لو جبت لهم الجنة في الدنيا مش هتعرضهم. عن

الشوق اللي جواه وانهم يعرفوا مين ابوهم ومين امهم - [00:40:12](#)

بيعيش يعني في الم رهيب. يعني واحدة ست كانت زارت ملجأ فبكلم زوجتي. بتقول لها فرحت لقيت طفل كده ثلاث سنين ولا حاجة ولد قاعد يقول لها اه اه يعني مش عارف يتكلم يعني. فبتقول لزوجتي بتقول لها مش قادرة اشيله من الريحه بتاعته. يعني ما احنا مش مغيرين له كويس فبتقولوا له ريحته صعبة جدا - [00:40:22](#)

والولا قعد يعمل لي ايده فبتقول في الآخر صعب علي. فقممت شايلاه وحاطاه على كتفي. بتقول الخاصة دعامة خاصة كتير جدا لا تحصى. نعمة نعمة ربنا لك. ازاى ربنا صنعك - [00:40:42](#)

ازاى ربنا يرتب لك حياتك؟ ازاى ربنا يرتب لك التزامك انت ايه قصة التزامك اصلا؟ اقعد افكر على فكرة انت عندك قصص كتير. انت وراك قصص كتير. بس انت ما اتعلمتش تركز. ما اتعلمتش تمسك ورقة وقلم - [00:40:55](#)

كل فترة وتقع لك ساعة تعصر دماغك وتفكر قصة حياتك على قد ما تقدر. عشان تركز ربنا عمك ايه ؟ انت بتركز مع الكل، بس ما انتش مركز مع ربنا - [00:41:09](#)

لو انت وقعت في زنقة فاضطريت تقييم عند حد من الجيران اقامة كاملة. بيفطرك ويغديك ويعشيك يوميا. بعد اسبوع اعتقد ان لحمه وشك يقع لوحدكم مش قادر من الكسوف والخجل. ما انتاش قادر فتخيل بقى اللي بيأكلك ويشربك من يوم ما اتولدت. ربنا سبحانه وتعالى لازم تفهم ربنا عمل لك ايه - [00:41:20](#)

انه لازم تفهم نعمة ربنا عليك ايه. لو اب ابنه سافر برة والابن قعد سنين ليتصل بابوه ولا بيعت لابوه ولا يرد على ابوه. وبعد سنين الابن رجع البلد تاني فنزل بقى وشاف حياته واشترى حطة ارض وبدأ يشوف حياته فالاب ماشي في الشارع - [00:41:41](#)

مرة لقى ابنه ماشي ابني ضاىا حبيبي انت جيت امتى انت ما قتلتيش ليه ؟ فابنه بص له كده انت مين ؟ انت مين ؟ انت نسيت دي انت نسيت انا عملت لك ايه؟ الابن ده في نزرع مجرم ولا مش مجرم؟ ده اشد اجراما يعني من اي مجرم على وجه الارض. اللي نسي ربنا عمل له ايه؟ ده اشد اجراما من الابن ده - [00:41:56](#)

اللي نسي عشان كده اول سؤال في القبر ايه ؟ من ربك؟ يعني ايه من ربك؟ مين اللي لحم اکتافك من خيره؟ مين اللي رباك؟ مين اللي كل حاجة ربط وزادت وازدهرت - [00:42:15](#)

في حياتك بسبب ايه ؟ مين ربك مين وليه نعمتك؟ مين ؟ فانت ده اللي يقول لك ها لا ادري على جهنم على جهنم ليه ؟ ده اللي بعد اربعين سنة - [00:42:25](#)

قالوا له من ابوك؟ قال ايه ما اعرفش مين ابويا. وابوه يعني جوزه وشغله وعلمه وسكنه وخلاه في الآخر يقول لك ها ها لا ادري يعني ايه ابويا اصلا! مش عارف يعني ايه كلمة اب اصلا! ده تحكم عليه بايه! فاللي بعد كل اللي ربنا عمله لك يعني ايه ربي! يعني ايه ربي دي - [00:42:35](#)

قلنا ليه يا رب اصلا؟ هو انا ليا ولي نعمة اصلا؟ هو انا في حد اداني حاجة؟ هو انت هتلبسني قضية؟ هو انت عايز تقول ان في حد اداني حاجة؟ ده مجرم ده بيروح اترمى في جهنم ده والعياز بالله ربنا - [00:42:55](#)

احفظنا يا رب. ربنا جهنم جهنم نعمة جهنم ويوم القيامة نعمة. لولا جهنم ويوم القيامة انت ما كنتش عرفت تروح لبيتك الوقتي. كان الف عصابة قتلتك. كان ما فيش زالم تورع على انه يقتلك ولا يغتصب مراتك. ولا يغتصب اختك. ليه ايه - [00:43:05](#)

يعني ايه اللي يمينعني؟ كان اللي يقدر يعمل حاجة يعملها كنا بقينا غابة. امال اللي مانع الناس انها تنهش في بعض ايه؟ ان معزم الناس خايف من حساب الله سبحانه وتعالى - [00:43:22](#)

خايف من يوم القيامة ومن النار. فدي نعمة. كل حاجة موجودة في الدنيا هي نعمة من النعم الخاصة. قلت لك ترتيب ربنا. ازاى ربنا صنعك في الدنيا وفي ازاى رباك؟ ازاى ربنا سبحانه وتعالى ايه الشخصيات اللي فرق في حياتك؟ افكر واكتب في ورقة النعم. ايه

الشخصيات اللي مقابلتك - [00:43:32](#)

لها قلبت لك حياتك. الشخصية اللي كنت داخل من شارع دخلت من شارع ثاني ما انتاش عارف ليه؟ قابلتها التزمت بسببها وجيت الدروس وعرفت طريق ربنا. انت جيت الدرس ازاي - [00:43:52](#)

اول عمرة طلعتها كان قصتها ايه؟ افكر اول اعتكاف اعتكفته اللي قلب لك حياتك كان قصته ايه؟ عرفت منين؟ عرفت منين سكة الدروس؟ مين اللي عرفها لك؟ القصة كانت ايه! انت فاكرا ان كده! مش كده! ده دي ناس ربنا زرعها في طريقك! ايه المواقف اللي في حياتك كانت محسوبة بالسانية! وفرقت في حياتك! ازاي - [00:44:02](#)

ربنا ايام معاملة ربنا لك ايامك مع الله. كل رؤيا ربنا وجهك بها وفرقت في حياتك بالتوجيه. هي الرؤية دي ده انت دلوقتي في استشاريين اجتماعيين واستشاريين في الاعمال الادارية يقول لك الساعة بخمس تلاف ريال. عشان تقعد معي في السعودية مسلا وفي الخليج الساعة بخمس تلاف ريال. عشان اقعد معك. عشان - [00:44:22](#)

ان انا ارضى اقعد معك انا وقتي. انت بقى الرؤى اللي ربنا بعثها لك اللي بيوفر لك بها مستقبلك وعمرك دي. آآ ويقول لك تتجوز دي ولا ما تتجوزهاش وتروح هنا ولا ما تروحش - [00:44:42](#)

بالك انت كده غلط وخد بالك انت كده دي تدفع فيها كم؟ الرؤى اللي ربنا وجهك بها اجابة الدعاء. اقعد افكر المرات اللي ربنا استجاب فيها دعائك. الناس مش فاكرا ربنا - [00:44:52](#)

قبلها امتي؟ عشان كده ما بيدعش لانه حاسس ان الدعاء مش هيفرق غلبان اه لا كتبت ورقة بقى اه فاكرا يوم كذا. لما ادعي سبحان الله ويوم كذا لما دعيت سبحان الله ويوم كذا لما دعيت سبحان الله - [00:45:02](#)

انا فاكرا مرة كنت في آآ من آآ ثلاث سنين من ثلاث سنين بالزبط كده في رمضان يعني من ثلاث سنين وكنت قاعد في يعني مع ولادي فبقول لهم اجابة الدعاء. واحد اكله عن اجابة الدعاء. فقالوا لي يا ابي ما فيش حاجة اسمها اجابة دعاء. وانت بتتكلم فين اجابة الدعاء ديت؟ اطفال - [00:45:17](#)

ادوهم مساحة واتكلم وايه ورد واقنعهم فقالوا لي فين اجابة الدعاء دي؟ قلت لهم يعني ايه فين؟ قالوا لي انت ماشي ما عندكش عربية يعني هو انت بقى يعني فين اجابة الدعاء بقى وانت ما عندكش عربية؟ قلت لهم اقسام بالله مكسوف اطلبها من ربنا. وانا اقسام بالله موقن ان انا لو طلبتها ربنا يديها لي. طب ايه رأيكم ما ندعي - [00:45:34](#)

العربية يلا اما نقوم الوقتي ونصلي وندعي بالعربية. بعد ثلاث تيام كان عندي عربية اهو بقى بعد ثلاث تيام كان معي فلوس عربية. ورحت على طول بعدها على طول يعني اللهم لك الحمد انت عارف يعني ايه رحت اشتريت العربية فروع بعد عربية. بعدها بايام قلت لهم شوفوا - [00:45:53](#)

يا حرامية يعني مرة ماشيين في في العربية كده خارجين يعني عايز آآ اجيب لهم حاجة ما عيش فلوس يعني كان في اللحزة دي ما عيش فلوس خالص. فطب اجيب حتى بخمسة جنيه لب ولا ما عيش فلوس خالص. نعمل ايه يا ولاد؟ فقمت رافع ايدي وقلت - [00:46:09](#)

اللهم ارزقنا يا رب. بانزل ايدي المبرن. واحد بيقول لي يا عم انت لك فلوس عندي. ما تيجي تاخد فلوسك عندي. فرحت خدت منه الفلوس. شهيصنا بقى ليلتها بقى. يعني - [00:46:26](#)

كله روح يقوم الليل ليله ليه هو شاف قدام عينه ايام الدعاء. افكر انت على فكرة عندك قصص كتير. انت اللي مش مركز انت ياما ربنا عملها معك انت اللي مش مركز. انت اللي مش بتكتب وبتفكر. ورقة النعم دي هتعمل قلبانا في حياتك. قلبانة. هتخليك بقى الشيطان ما يعرفش يمسخها - [00:46:36](#)

بازن الله سبحانه وتعالى ليه؟ اقعد بس بص شف عمل لك ايه؟ هو عمله لك ليه يعني؟ اه واللي عمل لك ده اومال لو عبدته اكرت بقى هيعمل لك ايه؟ واللي عمل لك ده لما كنت كويس في يوم من الايام - [00:46:55](#)

اقعد اكتب لما كنت كويس ربنا عمل لك ايه؟ لما الفترة اللي اجتهدت فيها دروس الرؤى فيها كان شكلها ايه؟ اجابة الدعاء كان شكلها ايه؟ الكرامات الدنيا كان شكلها ايه؟ تيسير الله. اقعد افكر - [00:47:05](#)

كل شيخ ربنا رزقه لك. كل مربى ربنا رزقه لك. كل محفز قرآن حاطه في طريقك. كل صاحب صالح. سبتك به. اقعد افكر كل اية علمها لك. كل حديث فهمه لك. كل اية - 00:47:15

هحفزها لك ما هو كل ده فتح في العلم. اقعد افكر كل جلسة ضحى شرح صدرك لها. كل ليلة قيام اداها لك. كل يوم صيام اعانك عليه. ما كل ده توفيق. هو كل - 00:47:25

هو ده اقعد افكر. مين اللي يسر لك جوازك؟ ومين اللي يسر لك شغلك؟ ومين اللي يسر لك رزقك؟ ومين اللي يسر لك حمل زوجتك؟ فيه ناس يعني سبحان الله العظيم! بيقد - 00:47:35

السنين بيلف حوالين نفسه هو ومراته مش عارف مش عارف تحمل. وواحد تاني يقول لك انا عندي اربع عيال وما انتاش عارف اصلا يعني سبحان الله كان كل شهر عما يفضى لاهو العيال دي جت ازاي سبحان الله تيسير ان ربنا يخليك في يوم اللي هو يوم التبويض ده بتاع الاوفبوليشن - 00:47:45

شهوتك تفور تجماع وانت لا انت عارف انت مين ولا فين ولا ايه اصلا. وفجأة تلاقي مراتك في اخر الشهر ده انا حامل. سبحان الله اه انت عملت ايه؟ فيه ناس بتلف الارض عشان تجيب عيل - 00:48:05

مش عارف اجيبه. انت مين اللي يسر لك حياتك؟ ومين اللي يسر لك هدايتك؟ ومين اللي قعدك هنا يا عم؟ في جسمك في حياتك في في في في وتكتب بقى النعم الخاصة. اللي ربنا خاصه بك - 00:48:20

وتفكر من وانت طفل من وانت جنين. المواقف اللي ربنا عملها معك. انت كنت مصاحب ناس قبل الالتزام. منهم ناس زنت. ومنهم ناس راحت في ستين مصيبة. مين اللي حفزك؟ ومين اللي - 00:48:30

ومين اللي رغم الفتن اللي اتعرضت عليك مسبتك لحد الوقتي؟ ومين انت وراك قصص كتير اوي اوي بس انت اللي مش مركز مع ربنا لحظ القلب الى النعمة. عايزين نستيقظ احنا خلاص يا جماعة يعني في ناس يا عيني غلابة فاكيرين ان التعب في رمضان ان اللي عايز يفوز في - 00:48:40

رمضان يتعب في رمضان. انتم عارفين اللي يقول لك ايه انا ان شاء الله اول ما الماتش يبجي انا مسلا ايه فريق آآ فريق مسلا الاهلي هيلاعب مسلا ريال مدريد ولا برشلونه - 00:49:00

تونة مسلا اه واول ما الماتش يبجي هنزل يا ابني الموضوع مش كده يا ابني في بضع سنين فيه مش بعد. فيه دي ايه! يعني قالوا المفسرين. قالوا يعني قلب الروم لهزمتهم من الفرس لنصر ما - 00:49:10

بسبب انهم قعدوا سنين ما يناموش. ما يناموش. انت بتستعد المعركة مش لحزة الماتش. المعركة في اللي قبل الماتش لحزة الماتش ده ايه؟ ده حصاد. عشان كده العلماء قالوا ان رمضان شهر الياه؟ الحصاد. قال لها اومال التفليح فين؟ رجب شهر البزر وشعبان شهر - 00:49:24

السقيا. التفلاح كله في رجب وشعبان. يبقى التعب مش في رمضان. التعب فين؟ في رجب وشعبان. يبقى اللي عايز رمضان صح يبقى رجب وشعبان بتوعه يبص صح ساعتها يبقى رمضان ده حصاد. انما انت جاي في الوقت اللي الناس بتحصده فيه اما اجي افلح بقى. يا مولانا ده عامة اتبنت وعمه - 00:49:45

اه تبان لها لون يكون رمضان خلص اصلا كل سنة وانت يا عيني اللي ببدا اول رمضان ده اما ببدا بقى ايه تلتقط بقى الكونتاك لقط اخير قلبه لقط وبدا يحس باب حب الله وبدا يحس بقى الله! ده القرآن طلع جميل قوي! الله ياخذ الصيام قال انا ازاي كنت مستصعب الطاعة - 00:50:05

فضيلة المفتي عن هلال شوال وكل سنة وانتم طيبين وعلى العوض. خلاص وشوية مشاعر جت الله جاب آآ على العوض. خلاص راح انما التاني بقى ده اللي مبني من رجب وشعبان ده رمضان ده رمى اساس في رجب وشعبان يبجي رمضان يعلي - 00:50:25

انما اللي بيعلي من غير اساس هو اي عمارة. اخطر حته في العمارة هي ايه؟ الحته اللي مش متشافة اللي تحت الارض. تقول للمهندس ابني لي هنا برج يقول لك حاضر تلاقيه تاني يوم جايب الحفارات وقعد يحفر لتحت. انت مجنون! انت بتعمل ايه! انا باقول

لك اطلع لفوق وانت بتنزل لتحت. يا ابني انا لو ما نزلتش تحت - [00:50:43](#)

اطلع لفوق. ده انا على قد ما انا عايز اطلع لازم انزل الاول. ولازم ارمي اللبشة الاول. هي هزارا! هو البنا هزارا! انت وانت بتبني الايمان في قلبك وعلاقتك بالله! انت - [00:51:03](#)

بنفس الطريقة. رجب وشعبان دول الشهرين بتوع اللبشة. رمي اللبشة. رمي الاساس. ييجي رمضان علي. انما انت بيجي رمضان عندكش اسس. ما عندكش اوراد. ما عندك نص ساعة قيام ليل ولا ركعتين كلنا سابيتين. ما عندكش ورد جلسة ضحى. عندك شوية ورد قرآن يومي. ما عندكش آآ تسببت للخطوط الحمرا زي تكبيرة الاحرام في الخمس فروض انت مش سابت اصلا - [00:51:13](#)

ييجي رمضان تعيش يومين حلوين وبعد كده باي باي سلام عليكم. ليه؟ لانك عليت من غير اساس. فاول شوية هواء فتن ورياح اهواء بعد رمضان قامت موقعة اللي انت بانيه - [00:51:33](#)

ورجع ريمة لعنتها القديمة. وان شاء الله نتقابل مع المصحف السنة الجاية. ما ينفعش. التعب الحقيقي في رجب وشعبان الشغل الحقيقي في رجب وشعبان الشغل الحقيقي صيام قيام اعمال الشرع بقى. من غير ابتداع في اعمال الشرع. اعمال الشرع. اللي الشرع عاملها. ها وربنا ما لي لك رجب وشعبان دوافع. رجب شهر حرام بتوع - [00:51:43](#)

وصف المعاصي ورجب النبي قال ان هو موسم عبادة في شهر بين رجب وشهر شعبان. ورجب بجمهور العلماء على استحباب اكسار من الصيام فيه. ورجب اجماع علماء على استحباب الاكثار من النوافل في موسم. ييجي شعبان ليلة النصف من شعبان عرض القلب على الله. يعني عرض مصغر على الله. وبعد كده عرض الصحيفة على الله - [00:52:02](#)

اترفع صحيفة السنة في نهاية شعبان في يوم انت ما تعرفوش. يعني نفس العرض على الله يوم القيامة. لما بتدخل يعرض قلبك يوم تبلى السرائر. وتعرض صحيفتك بالزبط شعبان ده نموزج مصغر للحزة العرض على الله. يوم القيامة. فانت متخيل شعبان ده قصة. قصة ده الشهر الوحيد اللي النبي كان بيصومه شبه كامل زي - [00:52:22](#)

بعد كده ييجي رمضان ده والجوايز بقى وليلة القدر والعشرة الاواخر والتسعين فرصة للجابة الدعاء وتسبب فرصة للعتق من النار السمك بتشتي اه شيكات بتضيع البياض. املى انت بس يا مولانا. لو انت ما فقتش دلوقتي انت هتفوق امتى؟ ولو انت ما اشتغلتش دلوقتي - [00:52:42](#)

اشتغل انت واللي مش هينقذه رجب وشعبان للاسف هيبقى اداؤه ضعيف رمضان. آآ انا سعيد قوي باللقاء ده يا جماعة. سعيد فعلا والله. ولو خيرت بين هذا اللقاء والله يا اخويا وبين والله العزيم بين هذا اللقاء وبين يعني آآ مليون جنيه. مليون جنيه قدامي كده يجيبهم واحد على شنطة كده - [00:53:02](#)

ويقول لي تاخذ المليون جنيه وتمشي ولا تقفل الدرس؟ بلا تردد. هختار انا والله بلا تردد والله رب العرش العظيم لان الدرس ده انت ممكن تصلي ركعتين بعد تبيع عينك بعشرين جنيه. تبيع كبدك بخمسين مليون دولار. تبيع بيتك اللي كله مرعوب بالكورونا عشان - [00:53:22](#)

انت يا ابني السروة اللي في جسمك بس اغنى من اغنى بنك على وجه الارض تبيع العضلة الملي فلوس في الاذن الوسطى بتاعتك دي بخمسين مليون! تبيع المראה بتاعتك بعشرين مليون! يقول لك ما انا ممكن نستأصلها يا مولانا. طب خرينا في الكبد. تبيع - [00:54:02](#)

انا ممكن اجيب لك انت جسمك ده بيتكون من تسعين الف حبة. تسعين ربنا اداك وانت جنين حيوان منوي في بطن امك تسعين الف حبة منهم حبة منهم العضلة دي حبة منهم العصب البصري اللي مية خمسة وعشرين مليون سلك خارجين من العين اليمين ومية خمسة وعشرين - [00:54:22](#)

الشمال بيجمعوا ويكونوا العصب البصري. اللي بيدخل على مركز الابصار على ثلاثين مركز ابصار في المخ. عشان تقدر انك تشوف من كل لون تمنميت الف درجة. انت لابس اللي هو ايه؟ اسود. وشاعر ربنا ايه؟ اسود اسود. واللي وراك لابس ايه - [00:54:42](#)

جاكيت اسود واللي تحت جاكيت اسود اسود. ومولانا لابس ايه؟ اسود. صح؟ هل ده هو ده هو ده هو ده والشيخ فضيلة الشيخ بن زيد اسود ما فيش اي علاقة ما بين انا بالنسبة لي في عيني دلوقتي ما فيش اي علاقة بالنسبة واي حد هيجي النزر ضعيف يعني مش

انت عشان ما حدش - 00:55:02

ما فيش هات لي استاز ياسر معنا اهو هات لي اغلى خبرة في العالم تجيب الفرق اللي بيسوهات ده ما فيش شبه ده ده الايفون آآ كم بيكسب؟ مية وتمانية. مية وتمانية؟ مية وتمانية. اه في حاجات بقت خمسمية ستة وتلاتين بيكسل؟ انت عينك - 00:55:22
عينك دي كام؟ عينك دي مش عارف يعني يعني مئات الالوف. يعني الرقم لما قريته بس انا مش فاكره دلوقتي بقيت الوف علب دي يعني قصة عينك بتجيب في اللون تمنميت الف درجة دورية. يعني باسود زمان بالتمنميت الف سوري. عند الستات كده لما بيميزوا ما بين - 00:55:42

الابيض والبيج والالوف وايت وسن الفيل وانت قاعد بتشد في شعرك جبتوها ازاي دي؟ عينين الستات كمان لها مشكلة في واحد منكم رجال كمان فانت اه ربنا جميل ربنا كريم. اكرم معاملة هي معاملة ربنا للعبد الصالح. اكرم معاملة. الوحيد اللي عمرك ما هتندم على اي - 00:56:02

في خطوة خطتها اليك وربنا الوحيد اللي مش هيسيبك تندم ابدأ على الطريق. اكرم معاملة هي معاملة الله للمقبلين عليها. واللي الله على كل شيء وللي قدره على اي شيء وعلى اي احد. والله يا جماعة ده في معاملة كده كنت لسه بزور في شيخنا الشيخ مصطفى العدوي من يومين في بعض الدرس قاعد مع - 00:56:22
والله الواحد عمره ما ساب حاجة في طريق الدعوة وقدر عليها. عمره ما ساب حاجة في الدنيا. في الدنيا عشان يفضل الدعوة وربنا خلاه يندم عليها في يوم من الايام ابدأ. مش هتندم وانت مع ربنا. ما تخافش وانت مع ربنا. مش هتحنن وانت مع ربنا. بس اقف مع الله - 00:56:42

واقف على بابه واحسن الظن فيه. وايقن به وتوكل عليه. واعبده واعبد ربك حتى يأتيك اليقين. في بعض المفسرين قالوا حتى ان من اجل ان يأتيك اليومين. عايزين يملأ قلبك. يقين في الدين وفي الله يملأ قلبك. اقعد كثير. ربنا ينصف قلبك. اللهم اهدنا وثبتنا - 00:57:02

ووفقنا وارشدنا. اللهم انا نسألك الثبات في الامر والعزيمة على الرشد. اللهم متعنا باسماعنا وابصارنا وقواتنا ابدأ ما احيينا اللهم انا نسألك العافية وتمام العافية. ودوام العافية والشكر على العافية - 00:57:22
اللهم انا نسألك الهدى والسداد والحكمة والرشاد والتوفيق والمدد يا اكرم الاكرمين. اللهم ربنا اتنا في الدنيا حسنة في الآخرة حسنة وقنا عذاب النار اخواني واحبابي في الله. فرحان قوي باللقاء ده. فرحان قوي ان ربنا يجمعنا على طاعته في البيت من بيوت رب العرش الكريم. واوانا الله في - 00:57:42

معسكرات اللواء الربانية في بيئة الايمان المباركة دي. نفسي اسلم عليكم واحد واحد واحضنكم واحد واحد. بس انا خلصانة يا اخوان. يعني انا والله وانا داخل على باب المسجد يعني - 00:58:02
كان قلبي هيتعب. يعني كنت هاحتاج ارواح المستشفی. يعني حد كده كان بس بيساعدني. فيعني تقريبا ضغطة خفيفة كده كان فانا يعني بستأزنكم ان شاء فرص كثير جزاكم الله خيرا. نتقابل فيها ونطيع الله مع بعض فيها. انا ان شاء الله بازن الله هشرب الشفطتين دول سريعا كده ان شاء الله. واه - 00:58:12

وانطلق وسامحوني بقى ان يعني ايه يعني ان شاء الله بازن الله الامور مسلمة سبحانهك اللهم وبحمدك اشهد ان لا اله الا - 00:58:32